

傷寒補天石

三

續傷寒補天石目錄

卷上

惡風惡寒

發熱

潮寒

寒熱

煩熱

煩躁

不眠

多眠

晝夜偏劇

鬱冒不仁

頭痛

頭眩

頭搖

頭汗

無汗

自汗

盜汗

手足

拂鬱

面色

看目法

察耳法

察鼻法

察唇齒法

口乾

渴

漱水不欲嚥

舌胎

察聲法

讖語

鄭聲

瘖啞

咽痛

氣短

氣逆

喘

咳嗽

嘔吐

乾嘔

噦

噫

呃逆

鼻衄

吐血

項強

瘥病

背惡寒

卷下

心悸

驚惕

心下滿

胸脇滿

結胸痞氣

胸中冷結厥

懊懣

身痛

身痒

身振

戰慄

矐惕

肉苛

四肢疼四肢沉重不收

挛搐

瘈瘲

厥逆

循衣摸床

發斑症

發黃

發狂

腹滿

腹痛

霍亂

狐惑

蛔厥

臍厥

臍結

除中

動氣

奔豚

小腹滿

蓄血

囊縮

遺尿

小便數

小便自利

小便不利

小便難

不大便

自利

便膿血

百合病

續傷寒補天石目錄終

續傷寒補天石目錄

續傷寒補天石卷上

明吳中戈維城存橋甫著

惡風惡寒第

惡風者見風則怯密室之中無所惡也惡寒者雖未嘗見風而亦惡寒身雖熱亦必欲近衣被其風寒客于營衛陰氣上入陽中則灑淅惡寒也寒傷營風傷衛營衛既傷不復能營中而衛外矣豈復能任風寒乎故傷風惡風傷寒惡寒理必然也但惡風悉屬于

經傳美補子石卷上
陽惡寒則有陰陽之別經曰發熱惡寒發于陽無熱惡寒發于陰此陰陽之別也

十營發熱第

發熱之症翕然而洪者是表熱也風寒客于皮膚怫鬱于外表熱而裏不熱也蒸蒸然而熱者是裏熱也陽邪入陷于陰中裏熱甚而達表也其在半表半裏者表邪未罷邪氣傳裏裏未作實則表裏俱熱而但輕于純在裏也太陽惡寒發熱陽明微惡寒發熱或

惡熱發熱或白汗潮熱少陽往來寒熱少陰裏寒外
熱太陰厥陰皆不發熱也汗下後有熱大汗則損元
氣氣損則陽微故脉虛而惡寒大下則傷血血傷則
陰弱故脉濇而發熱悞汗悞下皆有此耳且陰以陽
爲主陽以陰爲根下之亡陰矣陰無所主邪氣搏之
血虛乃發熱也經曰凡傷于寒則爲病熱熱雖甚不
死傷寒發熱病之常也若脉陰陽俱虛熱不止者汗
後復發熱脉躁疾者不利熱不止者皆死

或無已曰
汗後惡寒

者表虛也汗出而不惡寒但惡熱者裏實也經曰傷
汗出不惡寒者此表解裏未和與胃承氣湯傷
寒雜病發汗有相似者傷寒發熱惡熱而渴陽明經
病也陽明氣病脈洪大先無形也白虎湯主之雜病
發熱惡熱而渴但目赤者病藏也手太陰肺不足不
能管領陽氣也脈洪大甚則嘔血先有形也地黃枸
杞之類主之若誤用白虎者死東垣曰氣病在表
誤用血藥無傷也爲安血而益陰也血病在裏誤用
氣藥白虎者非也爲瀉肺而損陽也又有內傷中熱

與陽明症相類內傷熱中與外感症相似者辯在前

條

火鬱發熱自不同煩熱骨蒸須當別手足心熱屬熱鬱用火鬱湯治之升葛柴苓防甘草

潮熱第三

潮熱屬陽明明明旺于未申一日一發日晡而作如潮水之有信也邪入胃腑爲可下之症設或脈浮而緊潮熱而利或小便難大便溏者邪未入腑猶帶表症先當和解其外如小便利大便硬方可攻之若潮熱于寅卯則屬少陽潮于巳午則屬太陽是又不可

不辯

寒熱第四

寒熱往來者陰陽相勝邪正分爭也屬少陽半表半裏症蓋陽不足則陰邪出表而與之爭故陰勝而爲寒陰不足則陽邪入裏而與之爭故陽勝而爲熱邪居表多則多寒邪居裏多則多熱邪在半表半裏則寒熱相半仁往仁來而間作也小柴胡專主往來寒熱寒多加桂熱多加芩是其大槩也若熱結在裏大

渴而大便實往來寒熱大柴胡湯

煩熱第五

煩熱者熱而煩擾不安也邪熱傳裏不經汗吐下則爲煩熱與發熱似同而异經曰病人發熱汗出則解如未作膈熱但當和解微汗而已若心下滿而痞煩則有吐下之異宜別其症之虛實而爲劑之輕重也先煩而悸者爲實先悸而煩者爲虛虛煩謂以中欲嘔吐鬱悶之狀也凡煩熱不得汗出者發汗則愈發

汗後解半日許脉浮數者可更發汗桂枝湯太陽心

煩白汗小便數者不可與桂枝湯宜芍藥甘草湯芍白

炙草酸枚甘緩酸甘相合用補陰血出汗後煩渴脉洪

大人參白虎湯陽明心煩喜嘔壯熱往來心下悸而

又兼小便不利小柴胡加茯苓湯傷寒二三日心中

悸而煩小建中湯桂枝甘草大棗芍藥生薑錫糖衄血而煩渴者飲

水則吐五苓散不愈竹葉石膏湯下後復發汗盡日

煩躁不得眠陽與陰爭也夜安靜陽不能爭也不嘔

不渴無表症脉沉微身無大熱乾姜附子湯主之若
發汗若下之病仍不解而煩躁伏苓四逆湯大汗後
六七日不大便不解腹滿痛者有躁屎也大承氣湯

下後心煩腹滿臥起不安者梔子厚朴枳實湯

酸苦
瀉泄

梔子之苦以湧虛煩厚朴
枳實之苦以泄腹滿之痛

傷寒醫以丸藥下之身熱

不去微煩者梔子乾姜湯

梔子之苦以吐煩
乾姜之辛以益氣汗吐下

後虛煩不得眠苦劇者必反覆顛倒心中懊懣梔子

香豉湯

梔子香豉吐劑也
取酸苦湧泄之意

若夫腎傷寒表裏無熱煩

曠不欲見光明有時腹痛其脉細四逆湯內傷瑩役
 陰虛火動而煩者其人身倦無力自汗尺脉虛浮補
 中益氣湯加黃柏知母生地麥冬山梔黃連苦不睡
 而心煩者兼服朱砂安神丸歸身生地甘草硃砂黃
連蒸餅為丸津咽下
 納其浮游之火而安神明也凡傷寒身體熱疼不得
 汗故也脉淨者汗之脉弦者和之至于胸中煩心中
 煩俱是熱而煩也小柴胡合解毒湯主之甚者吐之

下之

此方在《金匱要略》卷之二十一

煩躁第一百三

陰氣忽爲陽氣勝熱而煩躁太

虛爲陰所

乘故也

煩爲擾亂躁爲憤怒是謂先煩而漸至躁也傷寒煩

躁則有陰陽虛實之別心熱則煩陽實陰虛腎熱則

躁陰實陽虛煩則熱輕躁則熱甚也

火入于肺煩也火入于腎躁也

或曰煩躁者心爲之也夫心者君火也與邪熱相接上下通熱金以之而躁水以之而誘獨存者火耳故肺腎與心合爲煩躁焉此煩雖肺腎其真心火爲之也

有邪在裏而煩躁者有

不煩便作躁悶者此則陰格陽欲于泥水中臥飲水

不得以口也四逆湯治之其或結胸症而煩躁吐利
四逆而煩躁下利發熱厥逆煩躁惡寒倦臥脉不出
而躁者皆爲不可治矣傷寒當汗不汗則人煩躁太
陽中風不得汗煩躁邪在表也大青龍湯冲和湯太
陽不得汗醫以火劫而煩躁者小柴胡加牡蠣湯發
汗已脉浮數煩渴者五苓散無熱狂言煩躁者五苓
散水調探吐陽明不大便煩躁承氣湯下之少陽吐
利厥逆煩躁欲死者吳茱萸湯

吳茱萸
參姜棗

厥逆脉沉

自利煩躁不得眠黃連阿膠湯

通芩芍膠
雜病血虛

雜病血虛

煩躁當歸補血湯

當歸川芎地黃黃柏知母
麥冬人參伏神黃連梔子

痰火煩

躁溫胆湯

竹茹芩半朮甘陳

不眠第

不眠第

不眠第

不眠者陽盛陰虛則晝夜不得眠蓋夜以陰為主陰氣盛則目閉而臥安若爲陽所勝故煩擾而不得寧所謂陰虛則夜爭也至于少陰病熱煩于內而不得眠又宜黃連阿膠湯以扶陰散熱若瘥後不得眠者

熱氣與諸陽相并陰氣未復也梔子烏梅湯

梔子黃
芩柴胡

甘草姜竹葉
豆豉烏梅

有汗下太過陽氣暴虛而不得眠者若

無熱症脈沉微不嘔不渴晝不安夜寧靜又宜姜附

湯姜附甘草
半陳皮

以退陰復陽也此又不可不知

分晝夜
看汗下

後晝夜不得眠裏熱也故宜梔子豆豉湯汗

汗出鼻

下後晝不退夜安靜陽虛也故宜姜附湯

甘草升
若胃有跡

乾不得臥者邪在表也解肌湯

尿大熱錯語及大汗胃中乾不得眠者邪在裏也用
大承氣湯胃不和則臥不安故宜徹熱和胃已若汗

下後虛煩不得眠者吐下後心中懊懣不眠者梔子

豆豉湯汗後虛煩不得眠當溫胆湯陽協陰狂言不

眠亂夢心煩氣乏者酸棗仁湯

棗仁人參桂心石羔
伏苓知母甘草姜

陰協陽驚悸昏沉大熱乾嘔錯語呻吟不眠者犀角

地黃湯溫胆湯少陰下利咳而嘔渴心煩不得眠停

水也猪苓湯

猪澤石
伏膠

少陰二三日心煩不得眠者熱

煩于內也黃連阿膠湯病人小便不利大便仁難乍

易時有微熱喘胃不能臥者有燥屎也大承氣湯中

風汗出脉濡而弱厥而且寒踈不得眠小建中湯煩

踈竹葉石膏湯瘥後飲酒煩惡乾嘔口噤呻吟錯語

不得眠者犀角解毒湯

犀角大青玄參甘草升麻黃芩黃連黃柏梔子仁

多眠第

多眠四症先看脉若是風溫情默默太陽外症欲解時更有少

陰與狐惑

衛氣者晝則行陽夜則行陰行陽則寤行陰則寐陽

氣虛陰氣盛則目瞑故多眠乃邪傳于陰而不在陽

也昏昏閉目者陰司闔也默默不言者陰主靜也太

陽病十餘日脉細嗜臥者外已解神將復也設胸滿
脇痛鼻乾多眠者蓋風熱內攻不干乎表故熱氣伏
于裏則喜睡也不得汗者小柴胡湯脉浮者冲和湯
冬月用麻黃湯少陰病但欲寐脉沉細者四逆湯少
陰病欲吐不吐欲嘔不嘔心煩多寐五六日自利而
渴小便白者四逆湯若復煩渴不得臥者不治三陽
合病欲眠目合則汗譏語者則有熱也小柴胡湯其
胃熱者亦嗜臥也犀角解毒湯風溫狐惑亦有此症

間在後條凡汗後身涼脈靜而好睡病將愈也

晝夜偏劇第

晝靜夜劇者熱在血分四物湯加芩連山梔丹皮柴胡黃柏知母主之熱在氣分者則夜靜晝劇小柴胡加黃連山梔地骨知母主之

鬱胃不仁第

仁者柔也不仁不柔和也

鬱胃者昏沉迷悶如物之蒙冒其首也不仁者頑痺麻木痛癢不知針火不知猶如死屍也節庵曰諸

虛寒爲鬱冒不仁血氣虛弱不能周流于一身于
是正氣爲邪氣所伏故肢體頑麻不仁厥如死屍桂
麻各半湯不愈補中益氣湯入姜汁設或身軀如油
作汗不休喘而直視水漿不入者此爲命絕也經曰
少陰脉不至腎氣微少精血奔氣上入胸膈宗氣反
聚血結心下湯氣退下熱歸陰股與陰相動令身不
仁此爲尸厥當刺期門巨闕以鬱冒不仁爲可刺之
而得痊者實神醫之眡也甘草乾姜湯桂枝芍藥湯

加乾姜桂麻各半湯消息選用之。太陽下早不愈
仍復發汗以致表裏俱虛其人致冒冒家汗自出而
愈乃表和也若不得汗而不得解用人參三白湯加
芎歸天麻下虛脉微足冷加熟附温經固本少陰下
利止而頭眩時時鬱冒者死婦人新產鬱冒血虛也
四物湯主之若惡寒露上衝鬱冒血暈昏迷也四物加
紅花桃仁姜桂主之凡頭目眩暈非鬱冒也眩暈輕
鬱冒重也

鬱冒者不汗血暈微惡不指風流汗一良方

頭痛第

頭痛者邪氣攻于上也三陽經俱有頭痛而太陽尤爲專主三陰無頭痛者三陰經至頸胸而還也厥陰有頭痛者厥陰經上連目系頂顛也太陽頂顛腦後痛陽明頭額痛少陽頭角痛太陽頭痛無汗麻黃湯有汗桂枝湯三時冲和湯陽明頭痛目痛鼻乾不眠解肌湯加川芎白芷升麻葱白若煩渴自汗白虎湯若六七日不大便胃實氣攻于上頭痛者少與調胃

承氣湯少陽頭痛小柴胡湯厥陰頭痛乾嘔吐涎沫

吳茱萸湯

茱萸人參姜棗

濕家病頭痛鼻塞瓜蒂末納鼻中

黃水出立愈痰涎頭痛胸滿寒熱脈緊瓜蒂散吐之

愈若兩感頭痛與夫真頭痛痛連于腦手足俱寒而

青者必死不治

氣虛痰逆頭痛右脈洪滑血虛火逆頭痛左脈弦數氣厥頭痛脈沉細而遲厥逆頭

頭痛脈時伏時見寒濕頭痛脈時沉細而遲厥逆頭痛所犯風寒內至骨髓七之源在腦又謂之腦風頭

痛雜症亦有頭痛如血虛頭痛四物加川芎蔓荊氣

虛頭痛四君子湯加川芎藁朮氣血兩虛八物加藁

本蔓荆脉大無力補中益氣加蔓荆細辛偏風頭痛
羌活湯加天麻荆芥温痰頭痛二陳加蒼朮川芎白
芷細辛痰火頭痛二陳加苓連山梔川芎蔓荆竹瀝

姜汁陰火上衝頭痛四物加黃柏知母蔓荆荆芥苓

連山梔食積頭痛平胃散加川芎各湯中俱要加桔

梗開提諸藥上行不可缺也歌曰頭痛先須辨厥真
温痰風火夾邪侵氣虛

血少兼寒濕緩者尤當審六經更
有眉眶頻作痛風痰風熱客于積
東垣曰東風生

于春病在肝俞在頸項故春氣者病在頭又諸陽會

于頭面如足太陽膀胱經起于目內眦上額交顛上入絡腦還出別下項病衝頭痛足少陽胆經起于目銳眦上抵頭角病則頭角額痛夫風從上受之風寒傷上邪從外入客于經絡令人振寒頭痛身重惡寒治在風池風府調其陰陽不足則補有餘則瀉汗之則愈此太陽頭痛也頭痛耳鳴九竅不利者腸胃之所生乃氣虛頭痛也心煩頭痛者病在耳中過在手巨陽少陰乃濕熱頭痛也如氣上不下頭痛顛疾者

下虛上實也過在足少陰巨陽甚則入腎寒濕頭痛
也如頭半寒痛者先取手少陽陽明後取足少陽陽
明此偏頭痛也在右屬痰與熱脉洪實在左屬風與
熱脉弦數有真頭痛者甚則腦盡痛手足寒至節死
不治有厥逆頭痛者其所犯大寒則內至骨髓髓者
頭腦爲主腦逆故令頭痛齒亦痛
凡頭痛皆以風藥治之者摠其大槩而言也高顛之
上惟風可到故味之薄者陰中之陽乃自地升于天

者也然亦有二陰三陽之異故太陽頭痛惡風脈浮
緊川芎羌活獨活麻黃之類爲之陽明頭痛自汗發
熱惡寒脈浮緩長實者升麻葛根石膏白芷爲主少
陽頭痛脈弦細往來寒熱柴胡爲主太陰頭痛必有
痰涎重或腹痛爲痰癖其脈沉緩蒼朮半夏南星爲
主少陰頭痛三陽三陰經不流行而足寒氣逆爲寒
厥其脈沉細麻黃附子細辛爲主厥陰頭項痛或吐
痰沫厥冷其脈浮緩吳茱萸湯主之血虛頭痛當歸

川芎爲主氣虛頭痛人參黃芪爲主氣血俱虛頭痛

調中益氣湯少加川芎蔓荊細辛其效如神白朮半

夏天麻湯治痰厥頭痛也

白朮半夏天麻人參黃芪
蒼朮白茯苓神曲橘皮乾

姜澤瀉黃柏麥蘗麩

清空膏治風濕熱頭痛也

芎藭柴芩連
羌活

羌活

附子湯治厥陰頭痛也

羌活黑附子麻黃蒼朮甘草
黃芪防風白芷佛耳草黃柏

升麻
姜蚕

如濕氣在頭者以苦吐之不可執右而治

頭眩第

頭眩少陽半表裏間表邪傳裏表中陽虛故頭眩又

有汗下後而眩冒者亦陽虛所致少陰下利止而頭

眩時時自冒者死

下利止則水穀竭
眩冒則陽氣脫

太陽病若下之

因復發汗以此表裏俱虛其人必冒冒家汗自出而
愈陽明病頭眩不惡寒能食而咳伏苓白朮甘草生
姜湯少陽症口若咽乾目眩小柴胡湯太陽發汗後
汗出不解心下悸頭眩身瞶筋惕振振欲擗地者不
可汗也真武湯汗吐下後虛而脉沉數心下痞脇下
動氣腹痛氣衝咽喉不得息身振搖筋肉惕久則成

痿伏苓白朮桂枝甘草湯

苓朮生精益湯
桂枝行陽散氣

風家亦有

眩者風主動故也或諸逆發汗劇者言亂目眩而死也諸湯中俱加川芎天麻不可缺也

頭搖第

頭搖者頭爲諸陽之會陽脉有垂則頭爲之搖動然有心絕而搖頭者有風盛而搖頭者夫陰根于陽陽根于陰陰陽互根氣血所以周流而無間若心絕則爲神去而陰絕陽獨無根不能自主是以頭搖經所

謂陽獨留形骸如烟薰直視搖頭者此也至于太陽發瘕則風盛于上風主乎動是以頭搖經所謂獨搖頭卒口噤背反張者此也搖頭中有痛也言則甚痛又分裏痛言者爲虛不言者爲實

頭汗第

頭汗者邪搏諸陽之首則汗見于頭劑頸而還也若通身汗出謂之執越今日不得越而陽氣上騰津液上湊故汗出于頭夫裏虛不可下內涸不可汗旣頭

有汗不可再汗也其或實熱在內小便利而大便黑
爲蓄血頭汗出者輕則犀角地黄湯重則桃仁承氣
湯熱入血室有半表裏症頭汗出者小柴胡湯發黃
頭汗出者小便難渴欲飲水漿者濕也輕則首陳五
苓散重則首陳大黃湯水結胸心下怔忡滿而微熱
頭汗出小半夏伏苓湯與其悞下濕家額上汗出微
喘小便利者死不止者亦死蓋小便不利閏格而頭
汗固爲陽脫小便利亦爲陽脫皆不療也讖語頭汗

爲血熱屬陽明承氣湯心下懊懺梔子豆豉湯吐之

半表半裏小柴胡湯

無汗第

傷寒踈盛身無汗或用麻黃汗不行此是諸陽之脈極百

中無一可全生若還先汗渾身痒脈更浮建本屬虛自是無陽難作汗建中長附載方書

無汗者寒邪中經腠理固密津液內滲而無汗也風

濕暑干之皆令有汗惟有寒邪不汗出蓋太陽無汗

者冬月麻黃湯春秋冲和湯芎蘇散夏月神木湯

防風同
甘草
項背強凡凡無汗者葛根湯陽明無汗麻浮

而喘者麻黃湯血虛脉弱難作汗者黃芪建中湯加

木附湯剛痊無汗治在本條當汗之症服麻黃二三

劑汗不出者此為難治熱病熱甚脉蹠急不得汗出

者死温病不得汗出必發狂有汗者生無汗者死陰三

症與陰陽毒者皆無汗陰毒症額上

自汗第

九般汗自傷風始風温濕温胃不和中暑亡陽并霍亂陽

明柔症亦同科

自汗者衛為邪干不得固密腠理疎而汗出有表裏

虛實之分若惡風寒爲自汗出者太陽表未解也冬
月桂枝湯三時加減沖和湯若汗後惡風寒爲表虛
汗不止黃芪建中湯與夫太陽發漏不止爲亾陽木
附湯若自汗出惡熱不惡寒則爲表症罷而裏症與
也承氣湯下之若小便不利汗出者津液少也急下
之若小便自利而汗津液少不可攻宜密煎導陽明
熱甚而渴汁多者胃汁乾也急下之大汗煩渴不解
者人參白虎湯膀胱氣絕汗出不至足者死絕汗出

如珠不流者死凡汗不止者先將髮按于水中足露于外後用炒麩皮糯米粉龍骨牡蠣煨爲末周身撲之其汗自止免致亡陽而死傷風汗出腠理自開傷寒汗後腠理不開並宜桂枝解肌凡傷風惡風自汗傷濕身重自汗中暑脉虛自汗中暍煩渴自汗濕溫妄言多汗風溫鼻睡自汗霍亂吐利自汗柔痊搐搦自汗陽明潮熱自汗陰虛勞力身倦自汗亡陽則漏不止自汗大要風暑濕干之皆令有汗惟寒邪獨不

汗出是以三陰症與陰陽毒及剛瘧俱不汗出也陰
症卽有汗出或額上手背汗出其汗自冷與已上諸
症汗出不同若冷汗如冰四肢厥冷脉脫者死又柔
汗發黃環口黎黑者死柔汗冷汗也

盜汗第

盜汗者睡著則汗出覺則便不出矣雜病責于陰虛
傷寒責在半表半裏故知胆有熱也小柴胡湯柴胡
桂枝湯雜病陰虛當歸六黃湯

歸連生熟地
苓柏木桂芪
辰砂白

芷散

二味爲未調服

凡汗脉浮或濡或澹

自汗在寸盜汗在尺

手足第一百十五

手足乃諸陽之本熱聚于胃腑則津液旁達于四肢
蘊熱則踈屎讖語手足汗出者大承氣湯下之挾寒
則水穀不分手足汗出者理中湯溫之是有承氣理

中之不同也陰毒手足額上冷汗出者四逆湯溫之

汗摠歌表虛血弱汗成流濕症淋漓不肯休痰症
津津常談背亡陽氣脫汗如油陰虛盜汗因無血
熟睡沾衾竟汗收心汗皆緣
思慮得團團一片在心頭

佛鬱第

佛鬱者陽氣蒸鬱形于頭面腠膚之間聚而不散也
其症有分別如大便秘硬而短氣燥渴者寔也大柴胡
湯汗不後有此症飲水而噦者胃虛也桂枝人參湯
加伏苓桂枝甘朮初得病發汗不徹并于陽明續自
微汗出面色赤者陽氣佛鬱也解肌湯麻黃葛根或
汗出不徹脉浮緊者麻黃湯或小便不利時有微熱
大便秘難乍易佛鬱不得臥此有燥屎結聚也承氣

湯下之陰症虛火泛上亦有面赤而佛鬱者但赤而不光潤耳要在明辯治之

面色第一百十七

面色赤而佛鬱者但赤而不光潤耳要在明辯治之

凡五臟六經各有其色見于其面以應五行大要相生者吉相尅者凶滋潤者吉枯燥者凶青色屬木主風主痛足厥陰肝色也脾病見之爲木克土難治經曰青如翠羽者吉青如滋草者死赤色屬火主熱手少陰心色也肺病見之爲火尅金難治經曰赤如雞

冠者吉赤如衄血者死又曰心熱額先赤肺熱鼻先赤肝熱左頰赤脾熱右頰赤腎熱兩頤赤黃色屬土土濕腎病見之爲土剋水難治經曰黃如蟹腹者生黃如枳實者死凡色黃月有胃氣不死經曰面黃目青面黃目赤面黃目白面黃目黑皆不死也白色屬金主氣血不足手太陰肺色也肝病見之爲金剋木難治經曰白如豬膏者生白如枯骨者死黑色屬水主寒主痛足少陰腎色也心病見之爲水剋火難治

經曰黑如烏羽者生黑如炭煤者死又黑氣自魚尾
入太陽者死黑氣自人中入口者死黑氣入耳目口
鼻枯燥者死

看目法第一百十八

凡治傷寒先觀兩目若目赤唇焦舌黑屬陽毒目赤
頭搖口噤屬痙病目黃小水短濇發渴惡熱屬濕熱
發黃目黃小水利大便黑小腹滿硬而痛屬蓄血發
黃如衄血目瞑白睛黃者必發黃如無熱不渴脉沉

續修本草子石名
細而黃者屬陰黃如兩眦黃者病欲愈也開目見人
屬陽閉目不見人屬陰睛目能識見者可治睛昏不
識人或目上視或眼小目瞪直視或目邪視或目睛
正圓或戴眼反折或眼胞陷下皆死症也若目睛微
定暫時轉動者痰眼也吐痰出眼珠自然流動光明
也若目中不明視物不了了者邪熱結實于內上蒸
于目也但大使得通目自明活也

察耳法第一百十九

氣數音天及是處自思具

傷寒耳聾屬少陽宜和解久病耳聾屬氣虛元氣復
實耳自聰也傷寒耳聾爲常例但舌卷唇青囊縮耳
聾者爲難治耳黑枯燥曰腎敗蓋腎開竅于耳也少
陽之脈絡耳中凡耳聾耳痛耳腫皆屬少陽風熱

察鼻法第

凡病人鼻色青者木尅土也主腹中痛若冷者死微

黑者有水氣

土不能制
又金生水

黃者小便難

土制
水也

白者屬氣

虛赤者屬肺熱鮮明有留飲鼻孔乾燥必衄血鼻燥

如烟煤者屬陽毒鼻孔冷滑而黑屬陰毒鼻息如鼾
垂屬風溫鼻塞濁涕屬風熱鼻流清涕屬肺寒鼻孔
癢濇屬肺熱有風乃肺絕而不治鼻衄者分點滴成
流而治也

察唇齒法第

凡病人唇齒焦乾爲脾熱焦而紅者吉焦而黑者凶
唇口腫赤者是熱極唇口青黑者是寒極口苦者是
胆熱口甜者是脾熱口燥咽乾者是腎熱口燥舌乾

明汗多煩渴者人參白虎湯便實者承氣湯少陽心煩喜嘔而渴或胸滿脇痛而渴或日晡潮熱而渴或往來寒熱而渴並用小柴胡去半夏加黃連花粉若下利咳嘔等症隨症治之少陰舌乾口燥而渴或便實或自利並用承氣湯厥陰消渴亦用承氣湯若陰症發渴渴不能飲者四逆湯凡太陽無汗而渴忌白虎宜小柴胡湯陽明多汗而渴戒五苓宜竹葉石膏湯先嘔後渴此爲欲解當與水解先渴後嘔此爲水

停心下赤伏苓湯

苓陳參木
芎半夏

凡脈浮而渴屬太陽脈

沉而渴屬少陰有汗而渴屬陽明要在明辯之凡渴欲飲水者因內水枯竭故欲得外以自救若不與飲則水竭無由作汗必加喘渴踈亂而死若與飲太多則水停心下變爲水結胸下利喘噉等症矣只宜少與以和其胃氣氣和則汗出而解也凡病人飲水須令人掇其心膈脇下使水氣行散毋致停蓄變生他病厥陰消渴謂飲水多而小便少乃能消水也雜

病消渴分上中下治之 東垣曰高消者舌上赤裂
大渴引飲調逆論所謂心移熱于肺傳爲膈消者是
也白虎人參湯治之中消者善食而瘦自汗大便硬
小便數叔和所謂口乾飲水多食肌虛痺成消中者
是也調胃承氣湯三黃丸治之下消者煩躁引飲耳
輪焦乾小便如膏叔和所謂焦煩水易虧此腎消也
六味地黃丸治之摠錄所謂朱傳能食者必發臈疽
背瘡不能食者必傳中滿鼓脹皆不治之症潔古老

人分而治之能食而渴者人參白虎湯不能食而渴

者錢氏白朮散白朮伏苓人參甘草木香藿香葛根滑石脉實病久可治

脉弦小病久不可治脉微欲絕其脈水長澀其脈微

嗽水不欲嚥第黃芪湯之平瀉者數劑後加

陽明病嗽水不欲嚥者必作翕犀角地黃湯蓄血病

嗽水不欲嚥者必發狂桃仁承氣湯少陰裏寒嗽水

不欲嚥者四逆湯陰寒不利嗽水不欲嚥者白通湯

加猪胆汁入人尿厥陰煩躁吐衄口燥舌乾但欲涼

水浸舌并口唇時不可離不欲咽不理中湯加烏梅
花椒主之大抵陰症發躁煩渴不能飲水或欲勉強
嚥下良久仍復吐出或飲水而嘔噦皆內寒也四逆
湯溫之蓋無根失守之火遊于咽嗑之間假作燎渴
則不能飲水也若飲水而不吐者熱也

舌脫第

舌乃心之苗色應南方火邪在表則未生胎邪入裏
津液結搏則舌上生胎而滑熱氣漸深其胎燎而澀

熱聚于胃其胎爲之黃矣宜承氣湯下之或小柴胡
去半夏加花粉知母黃連若舌上黑色胎者則熱已
深病勢已篤經所謂熱病口中乾舌黑者死也然夏
日黑胎不在必死之例蓋時火邪入內外炎燒故易
生胎刺而黑若冬月黑胎實難治也凡黑胎刮不去
易生者或芒刺及燥例者難治或舌硬舌強舌腫舌
短舌卷者俱難治凡見舌胎白而滑者邪在半表半
裏小柴胡去半夏加花粉知母葛根若胎黃而澁者

邪傳裏漸深也小柴胡去半夏加花粉知母黃連燉
渴引飲表裏俱熱者人參白虎湯內實不大便者調
胃承氣湯若胎黑而燥渴譫妄大便不通者此火熱
亢極反見水化也大承氣湯若胎黑而滑無熱不渴
者此王癸腎水來尅心火也四逆湯凡陽熱之胎必
躁而澁或腫或赤或黃或黑或芒刺或白滑脈必沉
數有力陰寒之胎必冷而滑不渴不熱不躁不澁脈
必沉細無力凡舌見白胎而滑者表未解也葛根湯

尖白根黃者表未解也解表然後可攻大便秘涼膈

散

連翹 山梔 大黃 黃芩 薄荷 甘草 竹葉 硝石

小便澀五苓散合益元湯舌

見尖白心黑脉沉微數者難治浮滑者可汗沉實者

可下初病見此症者危惡急進調胃承氣湯下之舌

見根黑尖黃微隱隱不見如黑灰色脉實下之大承

氣湯脉浮滑者涼膈散生有一二死有八九舌見弦

紅心黑傷風表未解也双解毒散加解毒湯

防風 川芎 當歸

芍藥 大黃 麻黃 連翹 黃芩 桔梗 滑石 甘草 枳殼 梔子 朴硝 石羔 白木 姜

微汗之表症罷

下之如結胸煩踈目直視者不治一云急下之四邊
微紅中成黑灰色行路者此由失下四五下之方退
舌見白胎中見黑小點亂生當有表症其病之來雖
惡涼膈散微表之退卽用調胃承氣湯下之舌見黃
而有小黑點者熱必深也邪傳六腑將入五臟急服
調胃承氣湯亦爲十存四五舌見黃而中有黑至尖
者熱毒邪氣已深兩感者下之十有九死有下利者
下之可治舌見兩弦灰色中有暈根二條此熱乘入

腎命門急當下之若遲難救舌見灰色無惡寒惡風
脈雖浮亦可下之下之見黑尿者不可治也舌見大
黑而有亂紋者脈滑實急下之九死一生脈浮數無
力不治舌見白胎滑者必往來寒熱舌見白胎帶黃
色者必泄舌見四圍白而中有黃者必作煩渴嘔吐
之症舌見黃而中有黑點亂生者其症必滑譊語脈
滑者生脈濇者死下之見黑尿者死舌見有紅星者
將發黃也舌見有黑圈者過經未解也火裂舌心火

熱極也涼膈散加黃連虫碎舌裏熱之甚也小承氣
下之凡舌青而紫者爲陰寒赤而紫者爲陽毒黑而
滑者爲陰寒黑而燥者爲陰毒大要鮮紅滋潤者吉
紫黑乾燥凶、治胎須用薄荷水浸青布于舌上洗
淨或用生姜薄片蘸水時時刮之其胎自退矣傷寒
如舌吐出寸餘不收用梅花冰片研末摻上卽收病
重者用水片五錢

察聲法第一百二十六

凡病人出言壯厲者外感有餘也出言懶怯者內傷
不足也譏語狂言者邪氣盛則實也鄭聲者精氣奪
則虛也鼻塞身重者傷風也聲嘶者肺有風熱也聲
啞者肺傷風熱也卒然無音者寒氣客會厭也咽嗑
不得息者胸中有寒也唇口生瘡聲啞者狐惑也咽
中生瘡聲啞者少陰也口噤咬牙者風痙也鼻息如
鼾睡者風溫也喉中漉上有聲者痰飲停上焦也要
在審其聲而隨症治之若見卒中風涎痰湧盛口噤

不言或脈絕直視遺尿者難

聲如鼾睡者難治

讖語第一百二十七

經曰邪氣盛則實精氣奪則虛實則讖語虛則鄭聲
胃中實熱上乘于心二爲熱旨則神識昏迷妄有所
見而言也輕則睡中呢喃重則不睡亦語有讖語者
有獨語者有言語不休者有言亂者此數者見其熱
之輕重也大抵熱入于胃水涸尿燥必發讖語爲實
也有火劫取汗而讖語者有亡陽讖語者有下利清

穀不竭讖語者此爲虛也或脉來沉實洪數有力因見夫大便不通小水赤燥渴讖語狂妄腹中脹滿鞭痛或潮熱自汗或不利純清水心腹鞭痛者皆裏症邪熱燥屎也俱大承氣湯下之下後利不止與夫喘滿氣逆而上奔自利氣脫而下奪皆爲逆也彼脉洪數而見小便赤手足溫與調胃承氣湯三陽合病脉實身重難轉口中不仁面垢遺尿白虎湯或大便結大熱乾嘔錯語呻吟不眠犀角解毒湯初得病無熱

狂言妄踈不安神采不與人相當五苓散二錢以新
汲水譟吐狂言噉水不欲嚥大便黑小水自利身黃
脹滿此因當下失下當汗不汗是瘀血讖語桃仁承
氣湯下盡黑物則愈婦人經水適來適斷續得寒熱
此爲熱入血室小柴胡湯陽明喜妄如狂亦瘀血也
照前桃仁承氣下盡黑物則愈矣各各不同但脉短
者死脉和者愈又發汗多亡陽讖語身自和不可下
柴胡桂枝湯和其營衛營衛和津液生而自愈也下

後胸滿煩驚小便不利讖語一身盡重不可轉側柴

胡加龍骨牡蠣湯

半夏柴胡牡蠣人參龍骨
鉅丹桂枝茯苓大黃棗姜

火劫取

汗讖語桂枝湯去芍藥加蜀漆龍骨牡蠣救逆湯若

下利直視讖語者死也又陽症讖妄脉沉細手足逆

冷者不過一日死矣有獨語者獨自語而如見鬼

也甚則捻衣摸床微喘直視若脉弦小便利者生脉

濇小便不利者則死可下者下之未可下者小柴胡

合白虎湯有錯語者意錯而言亂也自知言錯邪

氣尚輕自不知覺邪熱甚而正氣衰也解毒湯白虎湯小柴胡大柴胡隨症施治有狂言者邪熱亢甚發狂叶喊而言也或弄衣而走登高而歌此陽明內實也大承氣湯不論言語皆難下皆斷也

鄭聲第

鄭聲如鄭衛之聲謂不正也蓋汗下後病人元氣虛脫氣不接續而喉中鄭重也如氣息不促手足顛溫脈沉細者急以白虎湯合生脈散助其元氣或濃煎

獨參湯徐飲之亦良法也脉微細手足冷大小便自
利用白通陽葱白之辛以通陽氣姜附之辛以散陰
寒也乾姜附子葱白木

瘖啞不言第

少陰咽中生瘡不能言語者雞子苦酒湯

雞子一枚
去黃內苦

酒半夏于殼中安火上令三沸去滓少少含嚥之蓋
半夏之辛能發聲音雞子之甘能緩咽痛苦酒之酸
能斂咽狐惑止唇有瘡聲啞者瘖病口噤不能言者
痛故也

俱治在本條熱病瘖啞不言三四日不得汗者死熱

甚火傷肺金不能言者清肺降火則愈風熱擁盛咳嗽聲啞者清風熱降痰火則愈又有失于發散風邪伏于肺中者當以發散爲主也

咽痛第

血氣不和於喉而赤四熱者散風四逆

咽喉不利而痛或成瘡不能語言不納穀食皆邪熱毒氣上衝少陰而痛也少陰之脈循喉嚨挾舌本脈浮遲厥冷吐利並不可汗下少陰二三日咽痛者甘草湯不瘥者桔梗湯

桔梗辛溫以散寒甘草甘平少以除熱甘桔相合以調寒熱

陰下利咽痛胸滿心煩者猪膚湯

猪水畜也其氣先入腎少陰客熱是

以猪膚解之加白蜜以潤燥除煩白粉以益氣斷利

少陰咽中生瘡不能言語

聲不出者苦酒湯嚥含之

雞子一枚治法在前

少陰咽痛半夏

散及湯

半夏桂枝之辛以散經寒甘草之甘以緩正氣

少陰下利清穀裏寒

外熱手足厥逆脉微欲絕面赤咽痛者通脉四逆湯

乾姜附子

腎傷寒一症乃非時暴寒伏于少陰之經

參甘草

頭痛腰痛脉微弱後必下利咽痛半夏桂枝湯

半夏桂枝

炙甘草下利四逆湯蓋甘草主少陰客熱咽痛桔梗湯

主少陰寒熱相搏咽痛半夏散及湯主少陰客寒咽

痛也咽痛有寒有熱不可槩作風熱治也如陽毒咽

喉腫痛熱極也陰毒咽喉下利寒極也並治在本條

咽喉閉塞烏羽湯烏羽豬脂煎去滓薄綿裹內喉中

射于頭亦可口瘡赤爛蜜浸黃柏噉咽痛甚者升麻六物

湯大青升麻梔子杏仁黃芩葱下後寸脈沉遲尺脈不至手足厥

逆而泄利不止咽喉不利吐膿血爲難治麻黃升麻

湯麻黃升麻當歸知母黃芩萎蕤石膏白朮乾姜芍藥天門冬桂枝甘草伏苓

賣易寒補天石卷七

氣短第

短氣者呼吸不相接續也陽明心腹脹滿喘而短氣

潮熱者邪在裏而爲實宜下之大柴胡小承氣心腹

濡滿而短氣者邪在表面而爲虛也宜解之桂枝湯食

少飲多水停心下短氣者小半夏湯半夏赤伏苓風濕相

搏汗出短氣小便不利惡風不欲去衣邪氣在表甘

草附子湯甘草附子白朮桂枝太陽誤下短氣懊憹煩燥爲結

胸者大陷胸湯大黃甘遂芒硝身涼乾嘔短氣汗出不惡寒

此表解裏有水十棗湯

芫花甘遂大戟大棗十枚煎湯調服一錢

口鼻之

氣難以布息而短氣者人參四逆湯汗吐下後元氣

虛弱而短氣者人參養榮湯

人參芪苓芍歸熟地白朮遠志陳五味

氣逆第

氣逆者氣自腹中時逆上衝也因太陽病下之表邪乘虛傳裏裏不受邪則氣逆上行而邪在表也當汗之桂枝湯不上衝者勿與之厥陰客熱上衝此熱在裏而氣上也大柴胡湯病後虛羸少氣氣逆上衝欲

吐者竹葉石羔湯

八麥甘草與門冬石羔知半竹苓同

有動氣因發汗

而氣李根湯

半夏伏苓桂芍當李根白皮甘苓姜

二者皆正氣虛

而

邪氣逆也如桂枝症頭不疼項不强寸脉浮微胸中痞鞭上衝咽喉不得息此爲胸中有寒瓜蒂散吐之脉微者不可吐吐則愈甚頭眩脉沉緊不可汗一則動經身爲振搖桂枝伏苓白朮甘草湯

喘第

脉浮無汗更加喘宜與麻黃屬太陽若不惡寒知在胃汗

多潮熱下何妨汗後水停微發喘青龍加杏去麻黃一陽合病胸中滿只用麻黃按古方

傷寒發喘有邪在表者有邪在裏者有水氣者邪在表者心腹濡而不堅外症無汗法當汗之在裏者心腹脹滿外症有汗法當下之其水氣者心下怔忡是以有青龍之症故曰喘而汗出宜利之無汗而喘宜發之雖然喘特滿之常也其或直視譏語汗出髮潤身汗如油喘而不休皆不可治太陽病無汗而喘麻黃湯

麻黃桂枝杏仁甘草

太陰病風甚擁而喘桂枝加厚朴杏

仁湯陽明病汗出不惡寒潮熱短氣腹滿而喘大承

氣湯病人小便不利大便乍難乍易時有微熱喘而

不能臥者有痿痺也大承氣湯

枳實芒硝
朴大黃

太陽七日明

合病喘而胸滿者不可下麻黃湯一云葛根黃連黃

芩湯太陽病汗下後微喘者桂枝加厚朴杏仁湯

喘大

為邪傳裏微喘為邪在表故用
桂枝以解表厚朴杏仁以降氣

汗出而喘無大熱者

麻黃杏仁甘草石膏湯太陽病不利不止脈促者表

未解也喘而汗出者葛根黃連黃芩湯

汗出而喘邪
氣外甚所致

喘而汗出裏熱氣逆所致故用葛根甘
草之甘以散表邪連芩之苦以除裏熱

心下有水氣

咳而微喘小青龍去麻黃加杏仁小腹痛去麻黃加

伏苓陰病喘促者反陰丹

硫黃五兩玄精石硝石各二兩另研附子炮乾姜炮

桂心各五錢右用鐵銚先鋪玄精研末一半次硝石

末一半中間下硫黃以餘硝末蓋上次以玄精末蓋

上用小蓋合着以炭三升燒令得所令烟出多急取

瓦盆合地上四面以灰蓋勿令烟出候冷細研後三

味爲末同研細軟飲和丸桐子大每服三十九艾湯

下汗出爲度喘促吐逆入口便住再炙臍下一寸反

臍兩邊各一寸仍虛人脈伏喘促五味子湯

與當歸四逆湯

陳活人書云脈伏厥冷喘促此陰陽相背非吉兆也

姑以五味子和之取其酸收甘緩之意凡受病爲

不足病氣爲有餘盛則爲喘者非肺氣盛也肺中邪

火盛也故瀉白散非瀉肺也瀉肺中之火也如瀉心

湯半夏黃芩乾姜參黃連甘草加伏陳非瀉心也瀉心之痞滿也雜病

喘急有因于痰者有因于火者有陰虛自少腹下火

起而上逆者有氣虛而致氣短者戴元禮云痰者凡

喘便有痰聲火者乍進乍退得食則減食已則喘大

槩胃中有實火膈上有稠痰得食墜下稠痰喘卽止

稍久食已入胃反助其火痰再升上喘反大作俗不

知此作胃虛治以煖熱之藥是以火濟火也氣短喘
急者呼吸急促而無痰聲又有胃虛喘者擡肩擡項
喘而不休治法痰者降痰化氣爲主火者降火清肺
爲主陰虛補陰降火四物加枳殼半夏氣虛參芪麥
冬地骨炙甘草之類 凡久病氣虛而喘宜阿膠人
參五味以補之新病氣實而喘宜桑皮苦瀝以瀉之
氣喘無痰呼吸粗擡肩擡項胃家虛炎上喘時憑食
減痰喘喉中聲韻呼喘而脈滑手足溫用藥無碍可
得生喘而沉瀇寒四凡喘用椒目爲細末姜湯調下
肢若得瀇脈死無疑

一二錢止之然後因痰治痰因火治火若氣虛者不用
凡喘則必發脹七則必喘二者相因皆小便不利但先喘後脹者主于肺蓋肺金失令不能通調水道下輸膀胱故也法當清金降氣爲主而行水次之
先脹後喘者主于脾蓋脾土受傷不能制水水濕妄行故也法當實脾爲主而清金次之

咳嗽第

往來寒熱胸中滿此症會知嗽在陽陰症嗽時顛下

利四肢沉
重更清涼

咳者俗呼爲嗽肺爲邪所乘氣逆而不下也有肺寒而咳有停飲而咳有半表半裏而咳治各不同太陽病身熱咳嗽乾嘔微喘而利小青龍湯小青龍主太陽之表水也身涼咳嗽乾嘔微不利心下滿引脇痛十棗湯十棗主太陽之裏水也四肢重痛腹疼下利咳嗽或嘔真武湯真武湯主陰症之水氣也少陰病咳嗽四逆湯腹痛泄利下重四逆散加五五味乾姜少陽病往來寒熱胸脇痛而咳小柴胡去參加五味

乾姜麥冬知母貝母瓜蒌黃連湯加花粉去半夏咳

而嘔滿喘急大半夏湯半夏伏姜感冒風寒發熱而咳

參蘇飲去半夏木香加桑皮杏仁麻黃痰吐如膠者

金沸草散前胡麻黃赤芍藥仲景治嗽不分陰陽二

症俱用乾姜五味恐五味酸收易以閉住邪氣初起

不可便用也須先用干姜之辛溫肺金而散逆氣然

後用五味收肺氣保肺金而止嗽可也蘗維病咳嗽

分治戴元禮云咳者無痰而有聲肺氣傷而不清嗽

者無聲而有痰脾濕動而生痰因于風寒者鼻塞聲重因于火者痰少面赤黃昏時嗽因于勞者盜汗出兼痰多作寒熱有肺脹者喘滿氣急息重有痰嗽者脾虛動便有痰聲痰出嗽止內經欬謂五臟六腑皆令人欬非獨肺也岐伯曰肺欬之狀欬而喘息有音甚則吐血心欬之狀欬而心痛喉中介介如梗狀甚則咽腫喉痺肝欬之狀欬則兩脇下痛甚則不可以轉轉則兩胠下滿脾欬之狀欬則右脇下痛陰七引

肩背甚則不可以動動則欬劇腎欬之狀欬則腰背
相引而痛甚則欬涎又曰脾欬不已則胃受之胃欬
之狀欬而嘔甚則長蟲出肝欬不已則胆受之胆欬
之狀欬嘔胆汁肺欬不已則大腸受之大腸欬狀欬
而遺矢心欬不已則小腸受之小腸欬狀欬而失氣
氣與欬俱失腎欬不已則膀胱受之膀胱狀欬而遺
溺久欬不已則三焦受之三焦欬狀欬而腹滿不欲
食飲此皆聚于胃闕于肺使人多唾涕而面浮腫氣

逆也

嘔吐第

大凡嘔吐屬陽明須要陽明氣下行若是上行爲氣

逆胃家由是不和平胃家有熱難停食胃冷無緣納水漿二症皆令人嘔吐嘔家聖藥是生姜

嘔者聲物俱有而旋吐出者無聲有物而頓出有聲無物爲乾嘔也較之輕重則嘔甚于吐矣蓋表邪傳裏裏氣上逆則爲嘔也有胃熱脈弦數口苦煩渴有胃寒脈弦遲逆冷不食小便利有水氣先渴後嘔膈間怔忡有膿血喉中腥氣奔逆上衝不從治之嘔膿

盡自愈四者不句不辯大抵邪在半表半裏則多嘔

及裏熱而嘔吐者俱用小柴胡湯若初病嘔逆嘔噦

清水嘔吐飲食者加減藿香正氣散

藿香厚朴陳皮甘草江蘇葉白

木伏苓

虛者人參養胃湯

藿香半夏陳皮伏苓甘草砂仁白朮人參草菓厚朴

乾姜

發熱者芎蘇散以汗之有汗者正氣散去蘇

葉以和之太陽匕明合病當自利若不利而嘔者葛

根半夏生姜湯

三味加陳皮伏苓入姜汁溫服

太陽少陽合病而嘔

吐黃芩湯

黃芩芍藥甘草大棗加半夏生姜

繆仲淳曰胸中煩熱者

竹茹湯主之

竹茹三錢 參冬五錢 枳葉三片 蘆根三兩 若內無熱症者 小便利 口不渴 陽

明虛

三陽發熱而嘔俱用小柴胡湯初起食穀欲吐

者屬陽明也吳茱萸湯得湯反劇者屬上焦也小柴

胡加葛根湯胸中有熱胃中有邪氣腹痛氣逆欲嘔

吐者黃連湯

黃連甘草乾姜桂枝人參半夏加木香

凡嘔吐不可下下

之則利利不止者死利止者生故曰嘔多雖有陽明

症不可攻攻之爲逆爲其逆氣尚未收斂爲實也若

陽明發熱汗出心煩痞鞭不大便嘔吐者只得以大

柴胡和之太陽腹滿或痛水穀不下嘔吐脉沉遲者

理中湯

人參乾姜白朮甘草
半夏生姜紫厚朴

少陰飲食入口卽吐或

欲吐不吐手足寒脉沉細者四逆湯

附子乾姜甘草
加半夏生姜陳

皮厥陰嘔吐涎沫逆冷脉沉微者茱萸四逆湯

當歸
桂枝

芍藥細辛通草甘草茱萸生

若吐利煩渴者茱萸湯

姜加半夏乾姜陳皮厚朴
茱萸人參加半夏
生姜陳皮乾姜

凡胃熱煩渴頰痛口乾不合小柴

胡加竹茹陳皮黃連山梔石羔乾葛主之胃寒脛冷

而浮尻骨痛藿香安胃湯

藿半陳白朮
苓草生乾姜

合理中湯主

之胃實香砂平胃散

香砂蒼朴
陳甘草

去甘草加青皮枳寔

主之胃虛右關脉虛竹葉石膏湯

人參甘草麥門冬
石膏知半竹苓同

加生姜陳皮主之又胃有熱痰而嘔橘皮竹茹湯

陳皮

竹茹人參伏苓白
茯苓草加半夏姜

主之胃有寒飲乾嘔吐涎沫四逆

湯主之先嘔後渴此爲欲解宜與水解先渴後嘔爲

水停心下伏苓半夏湯

伏苓半夏
陳朴姜

似嘔似噦似喘心

下憤憤無奈大橘皮湯

陳皮人參
甘草姜

汗下後關脉遲緩

而吐爲胃寒理中湯屢經汗下寒氣膈塞食入卽吐

乾姜黃連黃芩人參湯汗下後水藥不入口者四逆

湯加半夏伏苓湯痰後虛煩嘔吐竹葉石膏湯

嘔家本渴

不渴者心下有支飲也或似喘不喘似嘔不嘔憤七無奈並宜竹葉石膏湯

清嘔吐穀不

下者小半夏湯

即半夏生薑湯

嘔而腳弱或疼乃是腳氣依

腳氣治之嘔而脈弱大便復利身有微熱見厥者難

治四逆加生薑主之凡治嘔吐各湯中俱加姜汁調

服隨用生薑嚼之蓋姜仍嘔家聖藥也嘔家最忌甘

甜之物以甘能發嘔故也嘔吐不止者用炒糯米生

姜汁煎服嘔吐自止若胃實嘔吐者不用此法總之
宜安胃久則補氣

乾嘔第

乾嘔者空嘔而無物也大抵熱在胃脘與穀氣并熱
氣上薰心下痞結則有此症太陽汗出乾嘔桂枝湯
主自汗也少陰下利乾嘔姜附湯主下利也厥陰吐
涎乾嘔者吳茱萸湯主涎沫也邪去嘔自止也又有
水氣二症太陽表不解心下有水氣身熱乾嘔微喘

自利小青龍湯不發熱反惡寒脇痛欬而利乾嘔者
十棗湯凡膈上有寒飲乾嘔者四逆湯胃熱煩渴乾
嘔者小柴胡湯

噦第

噦逆皆因胃有寒此名惡候
古今傳櫛皮半夏並姜附不

噦依方象乳邊小柴胡溫三陽噦或用陳皮
與竹茹腹滿須看前後邵猪苓承氣莫相拘

噦卽乾嘔之甚者比乾嘔則聲濁惡而長皆有聲而
無物也蓋因胃氣本虛或下汗太過或恣飲冷水水
寒相搏虛逆而成也又有熱氣壅鬱上下不得通而

噦者大抵簡近于噦簡者但胸間氣不得下通噦則惡濁之聲達于外矣輕則和解疎利重則溫散噦則腹滿當看何部不利前部不利者猪苓湯後部不利者先用半夏生姜湯次用小承氣湯噦而口苦煩熱者小柴胡加陳皮竹茹噦而手足逆冷者小橘皮湯

陳皮加姜附噦而煩者橘皮竹茹湯 陳皮竹茹人參

生薑噦而有鬱熱在胃者加味竹茹湯 伏苓白朮炙甘草

生薑止者乾姜橘皮湯 陳皮乾姜溫病飲冷作噦茅根葛

人參通草

根湯

茅根葛根加
生薑汁半夏

經曰病深者其聲噦凡病後嘔噦

或久病胃虛嘔噦足冷脉遲及噦家不尿皆難治也

噫第

金匱要畧曰中焦未和不能
消穀故令噫則用調胃承氣

噫氣者胸中氣不交通也寒氣客胃厥遂上行復出
于胃故噫氣也理中湯加丁香香附半夏陳皮溫之
傷寒汗吐下後心下痞鞭噫氣不除者旋復代赭湯
加砂仁主之

旋復代赭參
姜半夏甘草

呃逆第

呃逆者俗謂呃忒是也有因胃熱失下而呃者有因
胃中痰飲而呃者有因服寒涼藥過多胃中虛冷而
呃胃熱失下便實脈有力者少與承氣湯便軟脈無

力者瀉心湯

半夏黃芩乾姜參
黃連甘草加茯苓

潮熱者小柴胡加橘

皮生姜湯胃冷者橘皮乾姜湯甚者丁香理中湯加

茱萸木香姜汁又有瘀血壅塞作呃者雖柿蒂亦不

應呃逆者氣從胃中起至胸嗌間而爲呃忒也若其
氣自臍下直衝于胸嗌間呃忒者此陰症呃忒也其

病不在胃因下虛內有伏陰或誤服寒藥遂至冷極
于下迫其相火上衝卒集于胸中而爲呃忒也病人
煩躁自覺甚熱他人以手按其肌膚則冷此爲無根
失守之火散亂爲熱非實熱也乃水極似火陰症似
陽也若不識此悞用涼藥下咽則死當用羌活附子
湯羌活附子茴香丁香
乾姜磨木香溫服之加官桂人參木香陳半夏砂
仁急溫其下真陽回陰火降呃逆乃止也陰症及胃
寒呃逆不止者外用乳香硫黃散

乳香硫黃艾葉各
二錢爲細末用好

酒一鍾煎數沸使病人鼻嗅

內用丁香柿蒂散服之

之再搗

生薑擦胸前最效

則止丁香柿蒂茴香乾姜再灸期門氣海關元此良

良姜陳皮姜湯下

法也但手足溫煖復者爲有生矣經曰傷寒呃逆上
氣脉散者死蓋欬逆爲肺病散爲心脉心火刑于肺
金謂之死陰不過三日而死雜病欬逆有痰有氣虛

有陰火痰用半夏陳皮氣虛用人參黃芪陰火用黃
連滑石黃柏知母經曰諸逆衝上皆屬于火古方言
胃弱而不及火以丁香柿蒂竹茹陳皮治之未審孰

爲降火孰爲補虛人之陰氣依胃爲養胃土傷損則
木侮之陰爲火所乘不得內守木挾相火故直衝清
道而上言胃弱者陰弱也虛之甚也宜視有餘不足
治之有餘并痰者人參蘆吐之不足者參朮補之按
參手太陰補陽中之陰芦則反是大
瀉陰中之陽故用人參芦煎飲吐之

鼻衄第

鼻衄者經絡熱盛迫血妄行于鼻而爲衄也是雖熱
盛邪猶在經然亦不可發汗仲景以桂枝麻黃治衄

非治衄也乃欲散經中邪氣耳其衄血固爲欲解若
衄不止而頭面汗出其身無汗及汗不至足者爲難
治太陽症衄血及服桂枝湯致衄爲欲解犀角地黃
湯無汗而衄脉浮緊再與麻黃湯有汗而衄脉浮緩
再與桂枝湯此二者蓋爲脉浮而設也若衄而成流
者不須服藥少刻自解若点滴不成流者必用藥無
疑經曰奪血者無汗奪汗者無血俗人以血爲紅汗
厥有旨哉衄家不可太汗汗之則額上陷脉緊急直

視不能眴

眴合目也

不得眠芍藥地黃湯陽明嗽水不欲

咽犀角地黃湯黃芩芍藥湯

芍藥丹皮生地甘

衄而煩渴欲

水水入卽吐先服五苓散次服竹葉石膏湯少陰但

厥無汗強發之必動經其血或從耳目口鼻中名下

厥上竭爲難治當歸四逆湯

歸芍細甘草通草肉桂棗

灸太谿三

陰陽交湧泉一法用黑錫丹

黑錫硫黃各二兩沉香木香熟附蒟芦巴桂各

五錢茴香破故紙陽起石肉豆蔻各一兩又用新鐵
銕如常法黑錫硫黃于地上出火毒候冷研極細餘
藥並未同研以黑光爲度酒麴下若衄不止茅花湯
爲丸陰乾益湯下婦人艾棗湯下

外用水紙搭在鼻冲隨用炒黑山茱火煨龍骨牡蠣
京墨百草霜共爲細末加血餘灰各等分用茅花水
或縮釘水蘸藥鼻中卽止 凡病人發煩目瞑劇者

必衄尺脉浮目睛昏黃者必衄口乾鼻燥者必衄無

汗欲食者必衄嗽水不欲咽者必衄並用犀角地黃

湯犀角生地黃芩湯芍藥黃芩生地芩連湯生地黃

芍丹皮山梔桔梗甘草大棗柴胡傷寒表症衄血將解不

可用涼水及寒藥止在若止住者必成蓄血血結胸

雜治矣。衄而解者邪之輕也。衄不解者邪之重也。衄後復大熱脈躁急者死也。

吐血第

皆因邪熱中三陽當汗醫家失料量熱毒入深留五臟故

成吐血可驚惶

吐血者諸陽受熱其邪在表當汗不汗致使熱毒入臟積蓄于內故成吐血凡見眼閉目紅神昏語短眩暈健忘煩躁漱水驚狂譫語皆冷足寒四肢厥逆胸腹急滿大便黑小便數皆瘀血症也症雖多端不必

悉其但見一二便作主張初得此症急宜治之至于

遷延日久時而腹痛者為難治也如服桂枝湯吐者

其後必吐膿血宜服犀角地黄湯犀角生地芍丹皮黃連阿

膠湯膠芍苓連如大下後寸脈沉遲尺脈不至咽喉

不利唾膿血者宜服麻黃升麻湯麻升歸知芍薑焦木姜桂芍天伏草

陽毒升麻湯犀苓升麻陰毒甘草湯甘升當鱉桂雄黃如半

夏生姜主之血熱者黃連阿膠湯地榆散地榆犀角茜根芍連

梔子柏皮湯柏連芍入阿三黃瀉心湯大黃茜脈浮

萎白膏溫服之

黃連

熱盛及炙之必咽燥吐血救逆湯咽喉閉塞不可發

汗發汗則吐血氣欲絕厥冷勸臥當歸四逆湯

歸芍細甘

草通草肉桂藥

傷寒血症皆實邪也若雜病血症皆因色慾

過度勞傷心腎而得之與傷寒吐衄大不同矣是故

氣虛不能抵血者獨參湯補之如毒熱加青蒿鱉甲

石膏滑石

氣血兩虛者保真湯補之

赤白二苓生熟地天麥門冬知五味參芪

甘木白赤芍歸

如盜汗加浮麥麻黃根炒牡蠣陰虛

火動者地黃丸補之

六味地黃山藥黃伏苓澤瀉牡丹皮

天麥二冬治

肺腎二經之吐衄也阿膠膠金黃芩茅花灰治肺經

之吐衄也柏葉石蓮柏子仁棕櫚灰治心經之吐衄

也黃柏知母玄參血餘灰地黃治腎經之吐衄也青

皮黃連芎藭灰治肝經之吐衄也白芍白朮黃連乾

葛治脾經之吐衄也至于飲食倍傷痰而成血者平

胃散蒼朮厚朴加山查神曲黃連消之清之酒傷胃

口吐衄者葛花解醒湯解之葛伏解醒白薏仁木香

砂仁未乾扁參朮帶青陳二苓曲澤濕毒并風邪下陷者胃風湯人參伏苓

生薑不用新當歸芎藭

桂白朮
芍藥同

平胃散加防風羌活主之結陰血與陰盛格

陽吐衄血脈候按之不鼓者乾姜附子溫之跌撲損
傷吐衄者蘇木桃仁紅花大黃各家引經藥逐之先
痰激後吐血者二陳湯清之熱毒下血者胡黃連槐
花涼之九色鮮而新者急止之使婦經色不鮮而舊
者勿止之任其自出 凡血從胃中來者可治從肺
臟來者難治如一咯一塊或痰中見血如瑪瑙而成
塊皆胃口來也就可治也若痰中見血或一點之小

或一絲之細者乃肺臟來也肺本多氣少血今爲虛
火所逼而出之則肺枯而無以領一身之氣矣實難
治之也又胃火上蒸血從口出肺火上騰血從鼻出
凡失血諸症脉靜身涼者生脉躁急身熱者死一凡
衄血咳血出于肺嗽血痰血出于脾嘔血吐血出于
胃咯血吐血出于腎須用芎附川芎三兩香附四兩二味爲末每服
二錢茶湯調下按血症須要涼血散火此藥旣非涼血又非
散火何也蓋血病用血藥不效以其血之所藏無以

養也夫心主血肝藏血此方用川芎所以和血通肝
而使血歸于肝胆也其用香附所以開鬱而使火散
經絡也血歸火散而愈矣

項強第

項背強者太陽表邪也無汗葛根湯

在枝葛芎
姜棗甘

有汗

桂枝加葛根湯結胸項強有誤下之症寒熱項強則
成瘧治見本條臨病宜審

瘧病第

厚來瘧病屬膀胱身噤如
痛反張此是傷風感寒溫

有汗爲柔

無汗剛

虛者強直六義凡身熱足寒頸項強急惡寒時頭熱
面赤目赤頭搖口噤背反張手足拳搯是也起于太
陽先傷于風重感于寒發熱無汗惡寒爲剛瘧先傷
于風重感于濕發熱有汗不惡寒爲柔瘧又發汗太
過亦成瘧大發濕家汗瘡家汗俱成瘧新產血虛汗
出傷風亦成瘧要知開目仰面口中燥渴脈浮緊屬
陽病易治葛根湯麻黃葛根湯主之或人參敗毒散

羌獨活 桔柴煎 加葛根 麻黃口噤 咬牙胸滿 腳卒

急脈實有力者 太承氣湯 枳實芒硝 朴火黃 閉目合面 口中

和脈沉細 屬陰難治 桂枝加葛根湯 又桂枝瓜蒌葛

根湯 若厥冷脈沉細 附子湯 參附芍 木苓 加桂枝 二瘧通

用小續命湯 甘草麻黃防風芍藥白朮桂枝人參川芎防已附子黃芩 柔瘧為陰

去麻黃 剛瘧為陽 去附子 有寒去黃芩 防已知聖散

羌活防風川芎白芷柴胡芍藥甘草當歸烏藥半夏黃芩入姜汁竹瀝溫服 有汗是柔瘧

加白朮桂枝 無汗是剛汁 加麻黃蒼朮 口噤咬牙便

實加大黃血虛發瘧入寶湯加羌活防風黃芪桂枝
若脉沉弦而遲或帶緊或散指下皆惡候也

背惡寒第

背爲陽腹爲陰背惡寒者陽氣不足也陽氣不足者
陰氣盛陰氣盛者口中和附子湯陽氣四陷者口燦

渴白虎湯

知梗膏
甘草

二者宜審而治之陽明背寒而唇

口燦渴白虎湯

續傷寒補天石卷上終